



Broj: 08-02-07/2-11-2-126-8/25

Dana: 7.3.2025. godine

Na osnovu člana 70. stav (1), (4) i (6), a u vezi sa članom 69. stav (2) tačka d) Zakona o javnim nabavkama ("Službeni glasnik BiH", broj: 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavke iz Zapisnika o pregledu i ocjeni ponuda broj: 08-02-07/2-11-2-126-7/25 od 6.3.2025. godine, u postupku javne nabavke "Nabavka obuće", policijski komesar Uprave policije Ministarstva unutrašnjih poslova Zeničko-dobojskog kantona, d o n o s i:

O D L U K U **o poništenju postupka javne nabavke**

Član 1.

U skladu sa članom 69. stav (2) tačka d) Zakona o javnim nabavkama ("Službeni glasnik BiH", broj: 39/14, 59/22 i 50/24), poništava se postupak javne nabavke za "Nabavka obuće", iz razloga što nijedna od primljenih ponuda nije prihvatljiva.

Član 2.

Za izvršenje ove Odluke zadužuje se i ovlašćuje Sektor za materijalno-finansijske poslove.

Član 3.

Ova Odluka objaviće se na web-stranici ugovornog organa (www.mupzdk.gov.ba), u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 08-02-07/2-11-2-126/25 od 16.1.2025. godine.

Javna nabavka provedena je putem otvorenog postupka nabavke.

Procijenjena vrijednost nabavke iznosila je 76.000,00 KM bez PDV-a.

Obavještenje o nabavci broj: 30099-1-1-3-3-10/25, poslano je na objavu dana 24.1.2025.g. u 12,29 sati, a sažetak istog objavljen je dana 31.1.2025. godine u "Službenom glasniku BiH", broj 5/25.

Komisija za javnu nabavku imenovana je Rješenjem broj: 08-02-07/2-11-2-126-2/25 od 24.1.2025. godine.

Komisija za javnu nabavku sačinila je Zapisnik o prijemu ponuda broj: 08-02-07/2-11-2-126-6/25 od 17.2.2025. godine, Zapisnik sa otvaranja ponuda broj: 08-02-07/2-11-2-126-6/25 od 17.2.2025. godine, i Zapisnik o pregledu i ocjeni ponuda broj: 08-02-07/2-11-2-126-7/25 od 6.3.2025. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno sljedeće:

- da su se do roka određenog za dostavljanje ponuda 2 (dva) ponuđača prijavila na predmetno javno nadmetanje i to ponuđači KM TRADE d.o.o. Visoko i DANIAL'S d.o.o. Tešanj, te da nijedna od primljenih ponuda ne ispunjava zahtjeve ugovornog organa u formalno-pravnom, ekonomskom i tehničkom smislu, iz sljedećih razloga:

Ponuda ponuđača DANIAL'S d.o.o. Tešanj je neprihvatljiva iz sljedećih razloga:

- Certifikat ISO 9001:2015 istekao je 12.04.2021. godine.
- Za duboke cipele tražena je dodatna zaštitna funkcija O3 HRO HI CI WR FO SRC, a kod pomenutog ponuđača u ponudi je dostavljena zaštitna funkcija O2 HI CI WR HRO FO SRC. Dalje, za plitke patike je traženo O2 HRO HI CI WR FO SRC, a ponuđeno je O2 HI CI HRO FO SRC (nema oznaku WR što je otpornost na propuštanje vode).
- Iz dostavljene ponude i uzoraka se ne vidi da je obuća odobrena za ortopedске uloške.
- U ponudi nije dostavljen Certifikat ISO 14001:2015 (sistem upravljanja životnom sredinom), niti je dostavljen Oko-tex standard 100 Proizvoda klase II sa laboratorijskim izvještajem.
- U ponudi nije dostavljen Atest o vizuelnoj i laboratorijskoj analizi nadležne institucije u BiH. Naime, u ponudi je dostavljen Certifikat o pregledu tipa izdat od Mirta kontrol d.o.o. Zagreb bez laboratorijske analize.

Ponuda ponuđača DANIAL'S d.o.o. Tešanj je nepravilna iz sljedećih razloga:

- Na dostavljenom uzorku plitke patike nema džepa na jeziku, zatim sistem vezivanja se sastoji od 2 para malih plastičnih petlji, a traženo je 3 para malih plastičnih petlji, zatim, ima jednu dodatnu kožnu petlju koja nije tražena.
- Duboka cipela, propisano je da je od meke glatke goveđe kože, a ista je od materijala koji nije koža. Nema fiksne čičak trake na jeziku.

Ponuda ponuđača KM Trade d.o.o. Visoko je nepravilna iz sljedećih razloga:

- Duboka cipela, traženo je tri para plastičnih petlji, na uzorku su četiri para petlji, zatim, nema fiksne čičak trake na jeziku. Dalje, na dostavljenim uzorcima su vidljivi tragovi ljepljivosti iznad đona kako na plitkoj tako i na dubokoj cipeli.

Ponuda ponuđača KM Trade d.o.o. Visoko je neprihvatljiva iz sljedećih razloga:

- Na stranama od 44. do 47. ponude dostavljeni su Certifikati za Oko tex standard 100 za Pointex SpA Italia i Viviani Psunj Croatia. U istim se ne spominje Dermal d.o.o., niti firma KM Trade d.o.o. koja je ponuđač u ovom postupku (KM Trade d.o.o. nudi obuću proizvođača Dermal d.o.o.).
- Iz dostavljene ponude i uzoraka se ne vidi da je obuća odobrena za ortopedске uloške.
- U ponudi nisu dostavljeni Certifikati O2 HRO HI CI WR FO SRC i O3 HRO HI CI WR FO SRC niti certifikat 20347: 2012.

U skladu sa svim navedenim odlučeno je kao u dispozitivu ove Odluke.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o poništenju.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x.-
2. Sektor za mat.-fin.poslove, 1x.-
3. Spis, 1x.-

**POLICIJSKI KOMESAR
GENERALNI INSPEKTOR POLICIJE**
Admir Gazić

